



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 1. 2018

Bula den e stul di shofùr

“Nos no tin mester di ta mas sabí ku e sobranan. Nos mester ta mas disipliná ku e sobranan”

Warren Buffett

Warda un ratu, kiko? Ya ta mart kaba? Mi ta sigur ku e Aña Nobo a kuminsá awor ei, tòg? I lusnan di Pasku resientemente a wòrdu kologá na e palunan di lus banda di e kayanan prinsipal na e kaminda pa mi kas. E dianan ta bula pasa sin preokupashon òf konsulta ku e oranan ta moviendo lihé, i e minütanan asta mas lihé ku nunca ántes.

Loke esaki ta nifiká ta ku no tin tempu pa gasta! Kada sekònde presioso mester wòrdu hustifiká! Pues, ban mira. Bisa mi kon bo a kuminsá e Aña Nobo? Sea honesto ku bo mes. Bo ta, manera mi, kulpabel di a hasi resolushonnan pa e Aña Nobo? Wèl esaki no ta nesesariamente un mal kos! Bo ta kulpabel di a pone resolushonnan grandi ku bo sa, ku tur konfiansa di mundu, ku bo lo NO alkansá, partikularmente mirando pa kuminsá kuné, ku mientrastantu bo a lubidá kiko nan ta realmente. Pa no menshoná mes, ku e realidat i eksigensianan di bo bida diario – trabou, yunan, skol – a kita e aktividatnan aki di bo lista di deseonan for di kaminda?!

Mayoria biaha ora bo resolushonnan di Aña Nobo keda bandoná kantu di kaminda pa medio febrüari, sigur pa mart, ta pa motibu di dos kos. E promé ta, nos ta pone metanan ku por ta muchu grandi i ambisioso pa alkansá i di dos, pero di mas importante, ta ku nos no tin un kampion den e skina di nos rin di bòkseo ku ta apoyá nos i ta follow-up riba nos pa asina nos keda responsabel pa alkansá eksaktamente e metanan aki.

Awor, mi tin sigur ku por ta bo ta chèk e korant aki i ta puntra bo mes, si en bèrdat esaki ta un artíkulo finansiero. Esaki ta un artíkulo riba coaching? Por ta bo ta puntra. E outor por tabatin un lapso di huisio i e ke desviá for di finansa i invershon? Ki ora e memo aki a wòrdu emití? Wèl nada di e ariba menshoná, pronto lo bo mira kon tur kos ta konektá.

Un lista di deseo pa Aña Nobo semper, semper, semper mester tin un kategoria finansiero riba dje, ku ta evaluá kon a bai finansieramente e aña anterior i ku ta highlight e kambionan ku bo mester hasi den e aña koriente pa krese finansieramente di mihó forma den bo bida personal. No por ta asina ku semper ta bo plan pa pèrdè peso, ku ta haña tur atenshon! Evaluashon di Aña Nobo ta krítiko pa Planifikashon Finansiero i Kresementu i esaki **Mester** wòrdu hasí riba un base anual i ku e sosio finansiero apropiá pa guia i apoyá bo dor di tur kos.

Bo sa, tin hende ta pasa nan bida finansiero manera un pasahero den e taksi, sin masha kontrol riba e direkshon ku nan independensia finansiero ta bai. Pasado ta e dianan pa esei! Tuma kontrol di bo independensia finansiero i asosí bo ku un konsehero sertifiká i ku eksperensia ku por sinta ku bo na komienso di e aña pa evaluá bo salu finansiero, pa asina:

- yuda identifiká kiko a funshoná mihó durante e aña pasá i kiko no;
- informá bo kon e merkadonan a kambia basá riba desaroyonan aktual internashonal, sosial i ekonómiko i e impakto ku esaki por tin riba bo metanan finansiero, sea ku e ta positivo òf negativo pa bo;
- konsehá riba aspektonan eksistente di bo plan ku mester wòrdu saká afó òf ahustá;
- eksplorá kambionan signifíkante den bo bida personal pa sigurá ku bo plan keda relevante pa bo i bo famia;

- hasi rekomendashonnan riba kiko ta sirbi bo mihó tumando na kuenta bo metanan i bo situashon personal;
- mara tur kos huntu pa sigurá ku e plan finansiero aktualisá ta probechá di tur oportunitatnan potensial.

E motibu di kon ta krítiko pa bo hasi esaki ku un Konsehero, ta ku e persona aki lo tira bista riba bo pa tene bo riba bon kaminda i pa apoyá bo ora bo lo por tin gana di bandoná e metanan aki. Nan ta yuda bo keda responsabel!

Por ta bo ta pensa, mi tin un bon strategia finansiero kaba, mi ta spar kaba, mi tin un gran plan kaba. Opviamente, esaki no ta toka ami! Òf bo por ta puntra bo mes, kiko mas mi mester hasi? Pero niun gran plan ta wòrdu alkansá sin nabegá e awanan pa sigurá ku bo ta ainda riba bon kaminda pa yega bo destinashon. Hopi por sosodé den e merkado: - presidentenan nobo ku agèndanan signifkantemente diferente ku ta menasá ku gueranan komersial mundial, kompanianan nobo ta wòrdu establesé, esunnan bieu ta sera, akshonnan eksistente awor aki ta parse mas faborabel ku mihó kontrol di maneho òf asta ménos. Despues tin kambionan personal, un yu nobo, herensia nobo, un promoshon na trabou, un perspektiva nobo di bida, òf podisé un estilo di bida nobo ku bo ke biba, por nifiká un strategia diferente, metanan i ophetivonan diferente pa bo.

Kiko ku e kaso ta, laga e aña aki ta e aña ku bo ta bula den e stul di shofùr di bo biahe pa kresementu finansiero i gara komo bo pasahero, e sosio finansiero konfiá pa guia bo na kaminda!

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa e DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

